

BEMAADIZIWAAD MIINIGOOWIZIWIN ANOKIWINING

— GE-WIJI'IGOYIN JINISIDOTAMAN —

“Gi-gikendaan na wegonen ezhi-miinigoowiziiyin?”



AWENEN DEBINANG GIBIMAADIZIWIN MIINIGOOWIZIWIN?

Gaanada Aki gichi-inaakonigewin izhi-niizhweg ayaamagan aabita gichi-ogimaakaang aabita dash akiikaan ogimaawining.

GICHI-OGIMAACAANG

Gichi-ogimaa Gaanada Aki inaakonige aaninda gaa-anokii'iwewaad gaye wiiji'iwewin gaa-dazhiikamowaad daabishkoo zhooniyaawigamigoon gaye bimisewin. “Gichi-ogimaakaang onji-dibinigaade” ikinowag.

Omaa gi-daa-izhi-dibinigoo:

GAANADA AKI BEMAADIZIWAAD MIINIGOOWIZIWIN INAAKONIGEWIN

www.laws-lois.justice.gc.ca

AKIIKAAN GEMAA AKIIKAANENS

Akiikaanan gaye Akiikaanensan odibinaanaawaan godak zhooniyaakewinan gaye wiiji'iwewin gaye odayaanaawaan wiinawaa dinookaan inakonigewin. Bemaadiziwaad Miinigoowiziiwin inakonigewin omaa Ontario niibiwa naasaab inakonigewag. Owiji'aawaa' awiya bakaan gaa-inenimindwaa omaa Ontario.

Omaa gi-daa-izhi-dibinigoo:

ONTARIO BEMAADIZIWAAD MIINIGOOWIZIWIN INAAKONIGEWIN

www.ohrc.on.ca

AWENEN OMAA EZHI-DIBININD?

GECAA GAKINA GAA-ANOKIID AWIYA dibinaa. Ji-gikendaman giishpin **GICHI-OGIMAACAANG GEMAA AKIIKAANING**, ganoosh awiya gaa-anokiid imaa Bemaadiziwaad Miinigoowiziiwin. Gi-ga-wiindamaagoog aaniindi maya age-izhi-gagwedweyin.

AWENEN EZHI-WIJI'IWEMAGAK BEMAADIZIWAAD MIINIGOOWIZIWIN NDANOKIWINING?


- » Omaa Ontario, gidinendaagoz **NAASAAB JI-DOODAAGOOYIN DAABISHKOO GAKINA AWIYA, GAAWIIN BAKAAN, INAAKONIGEWINING GIDANOKIWINING**, gaawin bakaan ji-inenimigoosiwan.
- » Anokiiwin dazhinjigaade omaa, owe inake:
 - » **GAA-ANOKII'IWEWAAD**
 - » **GAA-DIBENINDIZOWAAD**
 - » **GAA-IBA'AMAWAASIWINDWAA**
- » Gaa-anokiiwaad okwiinowag maamowiinowining ji-onji-mashkawigaabawiwaad apiich wiin michi-bepezhigowaad, nawach ji-noondawindwaa.
- » **GAA-ANOKII'IWEWAAD GAYE MAAMOWIINOWINAN** inendaagoziwag naasaab ji-inendaagoziwag gaa-anokiiwaad anokiiwining, gaawin gaye ji-gagwaadagi'indwaa.
- » Endaso-bezhigod awiya inendaagozi naasaab ji-doodawind gaa-dananokiid gaawin bakaan ji-inenimind giishpin bakaan onjiid, bakaan akiing onjiid, bakaan izhagayed, bakaan dinookaanid, bakaan akiing onjiid, bakaan izhi-debwetang gaye ikwewid ininiwid, gaye bakaan inenindizod, bakaan inenindizod gaawin ikwewid gaawin ininiwid inenindizod, gaa-daso-bibooned gaye, gaye giishpin gaa-dakonaawindwen odaanaang, gemaa gaa-wiidged, gaye odinawemaagana' inake izhiyaad, gemaa maakizid.

AWENEN ANOKIWINING BAKAAN INENDAAGOZID

» Bakaan inenimind awiya gaa-dananokiid **MAANZHIDOODAWIND OZAAM OWE IZHI-BAKAAN INENIMIND:**

- » **GAA-DINOWID**
- » **GAA-IZHI-ANAMA'AAD**
- » **ONJIID BAKAAN AKIING**
- » **GAA-IZHI-MISAWENJIGED**
- » **GAA-DASO-BIBOONED**
- » **GIISHPIN WIIDGED**
- » **MAAKIZIWIN**

» **BAKAAN DASWEWAANAGAN** bakaan inenimiwewin.



» Bezhig awiya gemaa bezhigewaan awiyag **DAA-MIIGAANAAWAG** ji-bakaanenimindwaa.

» **DAA-ZANAGAN JI-NAAGWAK** gemaa ayaamagan imaa anokiiwining.

» **BEMAADIZIWAAD MIINIGOOWIZIWIN INAAKONIGEWINAN DAA-WIJI'IWEMAGANOON.** Nawach babenak ji-izhiseng gaa-dananokiing wenji-ayaagin ini inakonigewinan, gaawin wiin ji-onji-majidoodawind awiya. Gagwe-odaapinigaade bakaanendamowin gaye gagwe-gikino'amawaawag gaa-anokiiwaad aaniin ge-izhi-minowijiwiidiwaad.

DAABISHKOO ONO DINOOKAANAN BAKAANENIMIDIWINAN:

- » Gi-gii-webaakonigoo gaa-dananokiin ozaam e-gii-oniijaanisiyin (ozaam e-ikwewiyin).
- » Gi-gii-webaakonigoo gaa-dananokiin ozaam e-gii-bichishinan gii-anokiiyin (maakiziiwin).

MAANZHIDOODAAGEWIN: MOOZHAG IZHICHIGENAANIWAN OWE

MAANZHIDOODAWAA AWIYA OWE GII-IZHISED:

01

GIISHPIN AWIYA MAJI-DOODAWIG GEMAA MAJI-INIG ji-onji-agajiyin.

02

INIG EWII-MIIGAANIG GEMAA GAGWE-ZEGI'IG.

03

MAANENIMIG OZAAM gaa-dino'oyin, gaa-izhi-anama'aayin, gaa-daso-bibooneyin, maakiziyin gemaa godak.

04

Ozaam **ZAAMINIG** daabishkoo dookinig, naanaazhinig, jiiitinig gemaa bakite'og – gi-miigaanig giishpin bakite'og.

Gaa-anokii'iwed o-daa-dazhiikaanaawaa owe dinookaan maanzhidoogawin awiya gaa-dananokiing gaye O-DAA-GIBITINAAWAAN INI GAA-MAANZHIDOODAAGENID.

AWENEN DIBAAJIMONAANIWANG

GE-DIBAAJIMOYIN AKO

Gi-daa-mooshkinebii'aan gidibaajimowin **ONE (1) GIKINOONOWIN** apii gaa-gii-doodaagooyin gemaa giishpin gegoonan gaa-izhiseyin **ONE (1) GIKINOONOWIN.**

AANIINDI GE-IZHINIZHA'AMAN

ONTARIO BEMAADIZIWAAD MIINIGOOWIZIWIN

Ontario Bemaadiziwaad Miinigoowiziiwin izhinizha'igaadewan gii-wii-dibaajimod awiya giishpin gaa-bakaanenimind Inakonigewin:

1-866-598-0322

[WWW.HRTO.CA](http://www.hrto.ca)

GAANADA AKIING BEMAADIZIWAAD MIINIGOOWIZIWIN INAAKONIGEWIN

Gaanada Akiing Bemaadiziwaad Miinigoowiziiwin Izhichigewin izhinizha'igaadewan gii-wii-dibaajimod awiya giishpin gaa-bakaanenimind Inakonigewin:

1-888-214-1090

[WWW.CHRC-CCDP.GC.CA](http://www.chrc-ccdp.gc.ca)

AWENEN GE-IZHICHIGEWAAPAN GIDANOKIWINING

Ngoding gaa-anokii'iwewaad gaye Maamowiinowinan owe izhichigewan **JI-GASHKITOOWAAD GAKINA AWIYAG JI-ANOKIIWAAD.**

Ji-gashkitoong Anokiiwin izhinikaade owe.

Ji-gashkitoong Anokiiwin **GAKINA O-DAA-DAZHIIKAANAAWAA ANOKIIMAAGANAG GAYE GAA-ANOKII'IWEWAAD GAYE GAA-MAAMOWIINOWAAD.**

GAKINA AWIYA GAA-ANOKIID O-DAA-GASHKITOON JI-ANOKIID GAAWIIN DAA-BAKAANENIMAASII ODANOKIWINING.

DAABISHKOO OWE GAA-IJIGAADeg IWE:

MAAKIZIWIN

Aanjichigaadeg gaa-dananokiid awe gaa-gii-maakised odanokiiwining onji, ji-onji-wendanining ji-anokiid gemaa ji-gashkitood ji-anokiid.

ONIJAANISIWIN

Ji-wiiji'ind awe gaa-gii-oniijaanisiid ji-giiwed ajina ji-noon'aawasod maagizhaa gemaa ji-andowaabamaad mashkikiwininiwan.

ANAMA'AAWIN

DEBWEYENDAMOWIN

Ji-bagidinind awiya gaawin ji-anokiisig apii wii-ando-anama'aad bezhig giizhigan iwe inwaadenig ji-anama'aad.

